


www.BibleForChildren.org

Mateus 8




Hinama ferakene najikinita hoka sema wenakakoati
hisehare wenakalati Caná nali Galiléia koa hoka Jesus
nityo xane waiya hatyo hisehaliti. Jesus
haxaotyakiraharenai kakoa tehitiya kakaixakatyakaha
hatyo wenakakoati ana hoka xaneha.




Hatyaoseta nali tyaoniterenai terahitaha oloniti hoka ekakoita enoloneha vinhoxa tyotya hoka Jesus nityo nexa haisani hiye: — Enoloneha tyotya — nexa.

Hatyaoseta inityo nexa nali waikatehare wakaneharenai hiye: — Aokitere akereta xisoma, iraihena xihiye hoka — nexa.



Hatyaoseta Jesus nexa wakaharenai hiye:
— Xakaisexatya one tinihalitinai ako —
nexa. Nexa hoka tinihalitinai
kaisexatyaha one kakoa, kaise mokahene.



Hatyaoseta Jesus nehitiya ihiyeha:
— Xiyehena enakota hoka xiyane
xisehena harekahare ana — nexa Jesus
ihiyeha hoka kolatyaha exaokalaoseta
harekahare ana.



Hatyaoseta harekahare hotohare hasaka hatyo one.
Hasahena hatyo one hoka koxaka vinhoxa kyawa.
Maisa atyo harekahare
semare hatyo vinhoxa
nomaka akiti hoka
wakaharenai atyo
waiyoreta.



Hatyaoseta harekahare irae hena kaiyanyohenerere
hiye hoka nexa ihiye: — Haliti hisehaliti tyomehena
hoka vinhoxa waiyexere
hotohare ijita oloniti
faharenai ana.

Hatyaoseta teraha
miyahenaha waiyexere
hoka enajikini maniya
atyo isihitita
ewaxiraharexa
enomanaha. Hoka
hiso atyo
enajikini
maniya
waiyexere
hisehena
— nexa.





Wenakalati Caná Galiléia koa nali hetati Jesus
nikare maomakahare tyoma,
awaiyekehalakaharetyoa
kalorexe hawenane akiti
enomanaha hoka
exaotyakiraharenai atyo
tyakekone.




Hatyaoseta Jesus xane Pedro hanako, waiyehena atyo, owene atyo Pedro nimasero kamakoa ehokotyota, watyahiseta hoka.




Hoka Jesus otokene ekahe hiye hoka ewatyahisene tyoteheta enonita. Hoka ainakoaheta, xane enakaira tyoma enomana.



Okoi kamai isoahena hoka kolatyaha tyotya
hokakiterenae, exahe tihanare kamilakoreraharenae
Jesus ana. Tyotya
hatyo wenakalati
tyaoniterenai xane
hohisakoaha hati
kanase nali.



Jesus kahare haliti aiyatelikiheta tyoty kawkiti hawarehare kahehare kakoarenæ, exahe kahare axanekiheta tihanarenæ enonyahitaha. Hatyo tihanarenæ ana atyo waiyekehalakahareta Jesus hoka hatyo hiyeta Jesus mairænityahitene.




Tyotyaha kasani ekaokakisa hakahe ihiye
aokowiyahitaha. Ihiyeta iyateliti hikoita hoka
aiyatelikihitita tyotyaha halitinai hoka.



Jesus xakaitere Iraiti Waiyexe ihiyeha nase
haiyaharenai haliti hatya maetonanehare kolatya
Jesus ana.



Kaokaha xakore hoka maisa
aliyakere isoahitaha Jesus ana
ekakoa, kahare halitinai
hoka.



Maisa aliyakere isoareha hoka
kakohaha hatiri hoka hati taose
iyaha hoka Jesus hototene
exoakisahene
exehokotyokala
kakoita.



Jesus waiya ityakekoneha hoka maetonanehare hiye
nexa: — Hasemehena,
iniyalahare hománenai
atyo kaxemaisatyakeheta
— nexa.

— Hatityoahetehena
hiyehetehena
hiyetolisoakala hoka
hiyanehetehena
hihana xeta
— nexa.



Hatyaoseta Jesus isoa kanowa ako hoka
exaotyakiraharenai tehitiya xaneha
exema. Xanahitaha onexa hoka
kinatyawiniti kaoka
enomanaha, one
ainakiyatya hoka
jiyahaotita kanowa.
Jesus hatyo xowaka
nemakita.




Hoka Jesus nexa: — Xoana hoka ximairita? Xoana hoka inira xityakekone tyaonita? nexa ihiyeha. Nexa ihiyeha hoka tityoaheta hoka watyali hoholati, one xoaha hoka tyotya, memakeheta. Hatyaoseta exaotyakiraharenai

hakaharetyoaha hoka nexaha:

— Xoare halitini ala exe hoka one, hoholati xoaha hiye irae hoka aokitere akereta


tyaonaha? nexaha.



Enore atyo tyotya halitinai awaiyetita
hoka haisani haterore axikatya halitinai
koni waini enomanaha maheta hoka
tyakekohenerenenai maisa wainita
maheta hoka tyaonaha mene
matyotenehare maheta.



40



60



Romanos 3:23

Hiyaiya, tyotyaha atyo iniyalahare tyomaha hoka haware atyo tyaonahitaha wenati masakare waiyexe nonitata Enore nali.

Romanos 6:23

Iniyalahare wisomitere hiyeta atyo wiwainita. Xakore hoka Enore maxaimanehareta ijiterehare atyo wenati matyotenehare ekaotyakahitita, Wiyekohase Jesus Cristo koamaniya wisaonitere hiyeta.

Hebreus 9:27

Hiyaiya, hakirore atyo haliti wainitaha. Hatyo najikinita atyo Enore axalijita haliti.



Efésios 2:8,9

Hiyaiya, Enore xawaiyera hiyeta atyo xikaiyakeheta xityakekone hiyeta. Hatyoharenai atyo maisa xinalitare xini tyoita, xakore hoka Enore xekane maxaimanehare atyo. Xikaiyakehetehenere atyo maisa xaiyateretyoa xahahenere xaimane xini, hoka hatyo hiyeta maisaiya xala hare aokowiharetyoita.

Romanos 10:9,10

"Notyakekota Xekohaseti Jesus", hexaiya hiraeta hikanase kakoa, exahe hityakeko kaiserehare, Enore ekasekihetehenerene xoaha akiti hoka waiyexe maniyaiya hikaiyakeheta. Hiyaiya, wityakekota kaiserehare atyo hoka haliti waiyexe Enore aokita wiso. Wikanase kakoa atyo wiraeta wityakekone tahi hoka waiye maniya wikaxomokakihitita.



João 3:16,17

Enore atyo tyotyha halitinai awaiyetita hoka haisani
haterore axikatya halitinai koni waini enomanaha maheta
hoka tyakekohenerenenai maisa wainita maheta hoka
tyaonaha mene matyotenehare maheta. Enore axikatya
Haisani halitinai koni iyehenahitene iniyalahare
enómaneha nonitata maheta, maisa halitinai xawatya
maheta xini – nexa.



1 João 5:11-13

Hiyaiya, exe atyo hotikijita: Enore atyo isa womana wenati matyotenehare hoka hatyo wenati atyo womanere Ityani hiyeta. Xala xamaniya Ityani xema tyaonita hoka wenati waiyexe kakoare atyo. Xala xamaniya atyo maisa Enore Ityani xema tyaonare hoka maisa atyo wenati waiyexe kakoare xini. Exe akiti naxairatya xiso Enore Ityani tyakekohenerenae ana. Hoka waiyekehalaka maheta xomana xawenane matyotenehare tahi akitihoka Enore haoti wisaonita hoka wimamairanehare wisaonita.



Mateus 8-9; Marcos 1-2, 4; Lucas 4, 8; João 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Parecís NT (pab) © 1995, 2011, Wycliffe Bible
Translators, Inc. All rights reserved.

<https://www.bible.com/bible/651/MAT.1.PAB>

©2026 Bible for Children, Inc.

www.M1914.org

www.bibleforchildren.org

